

胥家仓健菴祠记

记曰君子将营宫室宗庙为先盖古者天子七庙诸侯五庙大夫三士二庶人荐於寝自天子以下皆有祧庙亲尽则迁庶人无庙三代以上之主则瘞於墓此古制也至程子修六礼大畧载冬至祭始祖立春祭先祖之说朱始疑其僭而其修家礼也附採各族祠堂则又窃取程子之意谓易庙名堂礼简而情尽虽士庶人亦得祭其始祖先祖焉先儒所谓遵古制准人情並行而不悖者也然则今之祠堂犹古之祧庙士庶人应祧之主不必瘞而迁於祠可也其亦古先圣王缘情制礼之遗意欤吾宗自宋白顺公由陕徙江右南昌丰城湖茫等处厯我祖元選公已十七派矣后選公任粤东保昌令告归由湖茫徙楚浏邑东乡远祖闕阅渊源难溯近即迁楚者为始選公有子四曰小曰一曰郎曰堂我房郎公徙柴高嘴至祖时贵公顺治

三年又徙湘十二都白沙坳韩家屋场地再迁湘之始也由时贵公越五世至我文選公公所出男丁不下三百生是长是聚处於是食旧德服先畴於兹有年屡欲修祠以妥先灵而昭祀享奈蓄貲不足无能为矣所幸者公葬胥家仓妣吕氏葬十三都狮公冲均有墓田墓庐每岁烝尝祀事就胥家仓墓庐辦理以为权宜之计至民国庚申秋祭时族尊辈欲副初志遂提议修祠德派承命渐渐举行将历年墓田租穀所糶之钱公权子母绵绵延延得三百余金又将先年積益所置之山场並屋宇及青山壩一步井与石溪房厚珪公所蠲白沙坳各田业一一出售计值九百金统归公生積又一载得金千余至壬戌秋举首士德芬德馨总理银钱推予为主修以子之才力绵薄曷克负此重任然修祠亦应尽之义务不敢固辞故再添德伦德浚为监修以分其任予时思之是举也仅此千余金不可成也遂与德铭德鑑谋谋而得一策即决族中有田赋者照餉蠲販其法餉

纹一两燭二十金未滿兩者酌燭无則任其乐燭既而当族众报告无不欣然乐从於是又得千余金将胥家仓墓庐正向一概撤清开拓地稍宽敞遂鳩工庀材率作兴事其制上下两栋中有亭前三门左塾右塾上堂正北立龕东西两夾室少南左右厅各一规模麤具四阅月而功始竣乃糾族择吉迎主人龕以修祠始末敬告先灵清算费金二千四百有奇雖创造制度恐未尽善吾日云为以燭吾才亦足以培根本茂枝叶矣俟后丁繁積盛其有高世遐举之志者恢宏先业壯啓鴻图是吾侪所欣慕也援笔乃乐为之记

民国十三年寅厯甲子岁季冬月

穀旦

公举嗣孙德涵镜秋氏敬撰并书